


T5449)  
~~CK5531~~ 1944



CHINESE-JAPANESE COLLECTION  
HARVARD COLLEGE LIBRARY  
FROM HARVARD-YENCHING INSTITUTE  
MAY 14 1932















谷蠶輯小卷

蠶堂簡集



# 漑堂前集

各體詩九卷

## 漑堂詩集

豹人之爲詩當竟陵華亭互相興廢之際而又有兩端襍出傍啟徑實如虞山者而豹人終不之顧則以豹人之爲詩固自爲詩者也夫自爲其詩則雖唐宋元明昭然分畫猶不足爲



# 漑堂前集

各體詩九卷

## 漑堂詩集

豹人之爲詩當竟陵華亭互相興廢之際而又有兩端襍出傍啟徑竇如虞山者而豹人終不之顧則以豹人之爲詩固自爲詩者也夫自爲其詩則雖唐宋元明昭然分畫猶不足爲



李片  
之轉移况區區華亭竟陵之間哉曩  
時讀鍾嶸詩品謂詩必有源或源三  
百或源蘇李而究其流沫顏陶鮑謝  
縱橫百變母論隋唐迄今七字相嬪  
別有端委而卽以五字推之吾不知  
其畛畛之所極當何如也豹人詩初

不一種今刻之長安亦不一集卽諸  
集所列亦不一體前後年歲各有轉  
變譬之軒楹榱桷櫨椳節華梁綺  
井玉缸壁帶陰突厰瞭微有不合而  
總以成其爲一家之堂宇其快所欲  
言岸然自得吾嘗比之陳同甫之爲



文章豈有過乎顧予初知豹人時見其所選明四家詩服其清鑒既而遇于邗又既而遇于京師龐眉廣顙每望其氣宇而卽以想見其爲詩今隕然就徵公車赴都則已老矣鬚眉畢白儼如商洛之就聘者然且咨嗟相

對不減疇昔况家本秦川寄居邗水乃其所名堂仍取諸漑一似烹魚釜鬻隱然寓西歸之意則夫讀豹人之詩而不知其中情之必不可易豈知詩者矣

朝霞弟李天馥拜撰



漑堂前集序

余少讀詩喜秦風每當困頓無聊時輒歌車麟駟鐵以自豪也繼又自悲悲而至於罷酒厥後讀楚辭傷其辭義悱惻不自振拔又輒掩卷而歎夫南風不競而章華鄢郢之鞠爲蔓草也詎必於子蘭鄭袖諸君卜之乎抑於離騷九辨之衰颯覘之矣以故讀秦風楚辭二書知羸氏興而芊氏廢也且從人之難與衡人較也心知其說不敢以告人余世家吳中吳中諸里兒第能歌西曲尋陽諸樂府耳烏衣青溪之地被輕紈而謳房中曲其聲靡靡不足聽也卽向者綿駒王豹之徒所罵爲不值一錢矣夫聲音之際抑揚抗墜之間其關人性術者豈





微渺哉故余與都人士相見則必稱詩遇博徒賣漿屠  
狗販繒諸目不識五字七字口不嫻平上去入者亦必  
強之使歌歌猶詩也歌焉而其人平生悲愉可喜飲  
食格鬪嬉笑怒罵不平有槩於中一切於歌焉見之人  
顧可以不歌乎哉今年來廣陵與秦人孫枝蔚豹人歌  
詩豹人秦之焦獲人甲申李自成作亂孫子結同里惡  
少年數十人殺賊天陰月黑失足墮土坑中追者垂及  
屬有天幸得不死後脫身走廣陵學小賈則已頌廣陵  
諸中賈稍學中賈則又頌廣陵諸大賈孫子學中賈之  
三年三置千金諸大賈日以肥肉大酒啖孫子孫子益  
飲啖自若且日出揚州北郭門而鳴箏跕屣之相隨屬

者踵相接也一日忽自悔且恨曰丈夫處世旣不能舞  
馬稍取金印如斗大則當讀數十萬卷書耳何至齷齪  
學富家爲於是自秦隴迎其婦來而僦居於揚州之董  
相祠旁閉戶日讀書閒爲詩而自曼聲以歌孫子旣歌  
詩而家漸落詩益工歌益甚而家乃益大落人或咎孫  
子孫子益行歌不輟也曰爾曹何爲者今年孫子年四  
十餘髮毵毵然白張目不闔者如綫嗜飲酒召之飲則  
無不飲若忘其年之將老而身之爲客也然猶時時爲  
秦聲其思鄉土而懷宗國若盲者不忌視痿人不忌起  
非心不欲勢不可耳孫子詩數十卷名漑堂集漑堂者  
卽董相祠旁孫子僦居處也詩不云乎誰能烹魚漑之



釜鬻孫子以是名其堂也其猶秦人之志也夫昔人云  
吳音妖而浮余吳人也媿不能詩然竊附於延州觀樂  
之義因書以報孫子爲漑堂詩集序

陽羨陳維崧撰

漑堂前集目錄

卷之一

善哉行 築城曲 烏夜啼 空城雀 秋胡行

行路難 蒿里曲 白紵詞 猛虎行 行路

難 陌上桑 艷曲 二首 妾薄命 薤露行 采

蓮曲 三首 寓言 三首 長歌復短歌 短歌行擬王

建 佃者歌 二首 寒夜謠 二首 悲歌 早詩客富

安場作 十一首 代書寄呈大兄伯發 生日作

書懷呈同志 田家雜興次儲光義韻 八首 避亂

雜述 三首 覽古 十首 自邑中歸田作 四首 雜詩

與客二十餘人夜發三原赴張果老崖 三首 贈貧



士 怨別 讀鄭所南作文丞相叙 行子吟 三

首 亂後初抵廣陵喜見家兄伯發 二首 譏老翁

久雨 小寒食雨中讀陶公乞食詩 時齋詩 四

首 慰病足贈徐增子能 二首 漑堂詩 二首 五月樓

居雨涼欣賦 詠史 四首 贈別詩為家五兄大宗

北上 伯樂之子讀相馬經誤蟾蜍為馬感而詠

之 古別離 古意 秋柳 秋野 秋風 秋

蝗 秋蜂 秋牧 秋松 秋耕 秋邨 七夕

詩 擬古 雜詩 五首 閒居感懷 八首 戊戌生日

作 四十初度作 二首 隣牛 采蘋 觀釣 結

屋 采菱 低田 雜興 三首 過茅大方先生祠

三首 延令題妃子墓

卷之二

荅方聖羽見懷起句用陶詩開歲條五日 無酒

二首 送方聖羽還山 二首 飲酒二十首和陶韻

李岷瞻遠至寓我漑堂悲喜有述 老女吟 三首

贈邢補庵 勸酒效樂天 送梁木天歸里 六首

詠史 三首 寄懷郝羽吉 送王築夫北行兼呈李

岷瞻 賴水西與其婚姻之友蔣別士周旋廣陵

數年衣物皆典盡蕭然還鄉察其意畧無所怨苦

獨以別士貧不能偕歸殊有悵惘之色予感其篤

于交誼也為作詩贈之 春酒堂詩為周茂三作



閩百詩自淮至邗上哭叻友王于一兼經營歸

櫬感其古誼贈以詩自作挽歌發揚州至京

口三首清明日閩再彭携歌童泛舟城北取今日

天氣佳清吹與鳴彈為韻十首追輓徐鏡如 讀

史 午日贈江都明府梁木天 敝邑私謚房樞

部儀凡為貞靖先生兼立祠表忠作詩三章以代

輓歌 哀緯夫二首貞女詩 客金陵一月將歸

維揚留別周雪客兼懷尊公櫟園先生 送王金

鉉歸里 再生詩為汪長玉賦二首將之屯留省

五兄大宗留別賓賢羽吉舟次三首輓程在濬二

首 贈汪舟次詩三首上巳日同于皇賓賢湛若龍

眉舟次仔園負巖諸子集汪叔定季角愛園登見

山樓三首壽汪生伯先生閔夫人二首送王阮亭

儀部北上二首七夕復集禪智寺碩揆上人房送

別阮亭儀部 江浦至和州途中作二首贈和州

楊仲延 旅興七首蔬枰詩為宋份臣作 名士

悅傾城篇 後名士悅傾城篇 慰雷伯顓喪幼

子 對第五女阿淡有感 秋胡行三首

卷之三

辭墓 留別里中諸友 鼠 蝎 蜈蚣 蝨

蜘蛛 蛇 蟻子 蠹魚 蝗 冬青行 姑蘇

臺 百花洲 走狗塘 真娘墓 遊虎丘 春



城曲 趙孝子歌 代甯戚作別牛歌題飯牛圖

水嘆 六首 醉題田家翁壁上 題畫 愛妾換

馬 神絃曲 勸酒 三首 馬食禾代田家 送閻

百詩返太原故里赴試 憶昔 二首 老妻有問不

對 房興公走數千里為其尊公貞靖先生求傳

誌勒石于其將歸戴生作廬墓圖送之余有感焉

因撰長歌贈別 三磨蝎圖詩 題扇上俞雪朗

所畫江南山水圖奉酬王正子送予之屯留長句

留別錢退山 陸放翁研歌為畢載積題 雪

中憶吳賓賢 題梨園圖 題李陵蘇武泣別圖

客句容縣五歌 句容遇顏含章請予題二顏

公祠 張孝子詩 汪質巖招同爾止湛若次功

令弟舟次叔定季舟泛舟城西值河水初漲 五首

題方爾止四壬子圖 夏日寄題涓北草堂 輓

方退谷客死歷陽次州守楊仲延韻 三首

卷之四

春宮詞 二首 供饌蕭然因憶江都魚味之美 潼

關 二首 聞敗軍已破縣城 除夕 二首 為農 四首

不得大兄消息 二首 村居雜感 十首 昨有 二首 與

客宿古廟中 讀兵書 慕容廆 無燈 北山

三首 出門 二首 行人 蚤行 新春 昭君怨

寒食過鄉村憫其烟火蕭然而作 七夕憶內



送家五兄大宗歸里 五首 春日登揚州城樓 春

園有感 過李家堡訪曹僧白 二首 題吳賓賢處

士陋軒 三首 過城西廢塢 蟹 九日 喜妻子

至江都 六首 園居 三首 早春懷鄉友 二首 懷李叔

則 五兄大宗舉於鄉 姑蘓聞江上亂信 亂

後登金山有感 館娃宮 二首 梁鴻 贈雷伯顙

親家 漁網 宿天池山下野人家 輓曹僧白

三首 黃公祠 二首 除夕宿邗關 程生真州移居

贈丹徒明府張康侯 招隱洞 招隱觀梅

竹林寺 輓李平庵沛 二首 輓葉聖野 登多景

樓 西湖 戲代小姬寄嘲 宿山店 二首 秋日

過查伊璜齋中留飲兼觀女劇 喜紀伯紫見過

山寓 曹娥江舟中 二首 贈馮道濟 題雲居寺

僧房 俞次寅程奕先吳慶伯徐大文見過山寓

輓李小有 送唐祖命還宣城 紫荆 八仙

花 桑 石榴 梅 春日遊平山堂 二首 輓梁

仲木 海陵喜遇鄧孝威有贈 二首 同鄧孝威飲

錢山銘廣文齋中 同鄧孝威飲陳雁羣爽西堂

再至海陵訪州守田雪龕 歲暮寓中遣懷 八

首 寄小姬沈靜君 同周雪山黃仙裳飲易田授

園中對初雪 二首 雪後劉僅三膚公招同易田授

黃仙裳飲玉鑰堂同限韻 十四夜雪後同鄧孝



威黃僊裳飲錢山銘廣文署齋觀燈 贈黃僊裳

別眇柯園 二首 丘季貞寄示近詩 新居 二首

輓張康侯 二首 仍題新所居之堂曰漑堂 三首 春

日遊徐幼長園林有贈 五首 遊韓長源園林有贈

二首 避地 三首 早起 酬無言見寄四韻 湖漲

戲簡馬旻徠防河主簿

卷之五

懷方爾止遊越中 秋夜翟家莊作 懷王築夫

憶十三弟穉發時方議諸商助餉聞已入城 二

首 贈田家翁 寄題范眉生幽草軒 二首 送無言

弟象五之汝南 贈延令明府唐舍拙 客延令

遇舊咸陽明府張天任有贈 二首 曾庭聞同客延

令別予先歸悽然有贈 六首 季希韓携具過寺寓

唐舍拙明府携具見過寺寓 二首 遇張容庵話

舊 二首 得方爾止越中消息 勉兒 懷楊吉公

司理 五首 寒 贈郭次斗移居次王天葉韻 元

夜索火不得作此自傷 周極先招同吳仁趾宛

僊較書泛舟西溪 二首 晚 葉翁招飲未赴聞吳

賓賢在坐 露筋祠 淮瀆廟樓寓作 登北固

山 登金山 三首 懷李叔則 黃河舟中 十首 離

黃河 房村店中 示門人王仔園 二首 中秋夜

同龔半千邀飲梅杓司 二首 上巳梅花 亂後過



瓜洲二首 贈徐半山開士二首 同李杞瞻夜過施

尚白學憲寓齋因留飲各賦 喜任淑源孝廉歸

自閩中兼送之燕 和李杞瞻詠芭蕉 見兩小

女各啼其母懷中有感 和李杞瞻漑堂詠月

海鹽同邢補庵訪汪石公喜楊吉公適至二首 送

孫無言令子魯三之汝寧 邢補庵蒼頭遁去嘆

息有作 送邢補庵歸里和留別韻 生孫 邢

補庵贈予舉孫詩和韻奉酬 和韻荅郭懷德見

贈舉孫詩 重遊徐幼長園林 寄十四弟實夫

二首 不雨 桔槔 欲雨 促織二首 張牧公見

過漑堂 無言病起見過二首 同程穆倩訪周元

亮司農留飲寓園觀菊兼示所藏書冊三首 喜周

元亮司農生還次龔孝升總憲韻十首 患疥二首

李杞瞻納姬金陵 程穆倩頗有抱子之樂足不

出廣陵城數年矣中心羨之賦詩為贈 龔半千

移居 送丘曙戒侍講赴嶺南三首 張虞山文學

隨丘曙戒侍講遊海南二首 再至姑蘇紀感 姑

蘇舟中二首 歲暮遣懷 泊舟毘陵觸目有述

捉船 中宵 寺寓寄無言 哭王于一二首 挽

姚山期二首 寒食對酒有懷兄弟 同張牧公過

季希韓寓齋留飲即席作 春日為王正子作

紙鳶 燕 鶯 蝶 蜂 春日過牧公飲寓園



同蔣前民梵伊上人集張韓臣因圃 贈鄰家  
二首

卷之六

春盡日偶同程奕先過南鄰迨旦庵留飲適張牧  
公亦至 二首 歸雅 月夜季南宮招同令兄希韓  
陶又隱汎舟 雨中放舟城北同無言前民希韓  
南宮又隱 感季南宮贖龜放生作 夏日同前  
民無言南宮汎舟至平山登觀音閣 二首 贈醫  
漑堂喜雨同于皇賓賢舟次 竹中 三首 隣竹  
大樹 園鶯 二首 贈何僊掌 二首 輓金坤生 懷  
吳賓賢 中秋寺寓作 雨 三首 東臺場雜詩 六

首 遠遊 醉歸寺寓 七夕吳賓賢同舟泊海陵

婦病 三首 富安場 河漲後汎舟至平山同吳

賓賢郝羽吉吳仁趾作 三首 贈劉旅皇 不如飲

美酒 二首 潤州廟寓雜感 三首 送周雪客歸白下

兼寄懷方爾止處士 二首 第五泉 紅橋 彭駿

孫房興公見尋不遇 寄贈李生 胡彥遠病榻

蕭然相對有贈 漫成 贈門人王仔園舉于鄉

甦庵老人南還後追陪頗久有詩奉贈 送吳

爾世扶持歸里次無言韻 送吳仁趾之秦郵

泛舟城西送程翼士之東亭 對酒 中秋前郝

羽吉移居 二首 題華龍眉新居 花朝後一日同



杜于皇黃雨相王仔園魯紫漪汪復巖叔定季角  
 飲龍眉春草堂 溽暑同方爾止王正子過汪舟  
 次園中留飲值令弟質巖季角偕至得鴉字蘿字  
 二首 夏日同爾止次功叔定季角集飲龍眉齋中  
 書懷呈家衣月太史 二首 贈家衣月太史 寓  
 百福寺 二首 春日讀書 四首 客中吟 五首 牛飢紀  
 事二十二韻 憶炎兒 延令書懷二十二韻  
 邗上酬贈施尚白督學二十韻 家無言將歸黃  
 山因極稱住山之樂以勸其行三十二韻 舍弟  
 十四實夫書來極道窮愁抑鬱之甚因寄此作聊  
 盡勸勉之言 平山下送七十老叔歸里 汎舟

送郭懷德歸里

卷之七

甲申述憂 四首 紀感 五首 眼前 贈焦大夏公子

甲申春日紀事 四首 拜王葵心先生墓下作

村夕 三首 初至揚州客有談南京事者感賦 重

來江都小園立池上有感 閒詠 落花 四首 閒

居偶書 葺先人所遺園亭 記夢 春興 題

銀杏樹 園中作 曹僧白山人久客富安場欲

構一堂而未有貲託其友將歛錢以營之特賦此

止其事 陳 二首 夜入真州 山中言事 登康

山 有憶 春盡日坐眄柯園有感 贈方爾止



處士二首 式廬詩為石仲昭明府訪方爾止處士

而作 戲贈左子直棟納姬三首 題方爾止處士

採藥圖二首 江上謁張坦公先生 春日園居書

懷 自笑 偶行市上遂步至北門外徧觀諸家

園林 廣化寺謁忠烈祠步吳梅村韻三首 留別

章洪上 為張萬青悼亡二首 寄懷方爾止 歸

自越中贈內子效樂天 歸來三首 園居 送家

無言歸黃山二首 寄壽姜如農先生 壽張康侯

母晏太夫人三首 與李岸翁潘江如初訂丁酉社

喜醫者何印源招飲三首 呈徐莘叟太史 穀日

同李仍耳方退谷飲方聖羽苜蓿齋有懷爾止

贈韓聖秋 贈小姬沈靜君二首 言志示兒 示

兒燕 懷閭百詩就醫京口 田雪龕見過承贈

詩 海陵寄贈馬旻徠主簿 哭大兄伯發 黃

仙裳往江都因寄懷宗定九 同孝威仙裳田授

飲趙乾符郡丞署中 和俞天木侍御韻送錢均

曆歸吳門兼呈令弟山銘廣文二首 寓慶雲寺作

董公祠 貧甚典及書籍自嘆有作 雜詠三

首 李叔則歸故里後懷之以詩 東亭春暮憶舊

遊三首 淮上訪范睂生即事賦謝 次范睂生珠

湖詩韻 贈王貽上 無題次彭駿孫王貽上韻

十二首 秋夜同天葉屺瞻諸子飲次斗宅觀劇



鵲 王涓來太史見示詩集三首 溪南八首次祝

京兆韻為吳爾世作 同黃坤五司成許天玉孝

廉家無言山人宴集許漱石民部高寄閣分韻得

遐字 和坤五司成思字 和漱石民部東字

和天玉孝廉何字 和無言山人城字 贈別張

牧公三首 同王貽上奉和李侍郎讀水經注憶洞

庭之作 俠客 禪客 琴客 棋客 吟詩客

丹青客 渡江阻風 送周元亮先生之任青

州 平山堂懷古和彭駿孫 蜀岡眺望和彭駿

孫 弔迷樓故址和彭駿孫 謝郝羽吉惠茶二

首 林處士墓 房興公新姬二首 春日憶郊遊次

錢退山韻二首 錢退山授經穀儀二子賦贈 贈

林茂之二首 陸無文招飲寺寓 宿汪舟次齋中

送郝羽吉之蕪陰 飲程崑崙別駕署中二首

句容書懷寄呈程別駕 寓句容道觀寄簡王阮

亭揚州 寄懷王西樵考功 戴公雪歲暮歸自

金陵去家五十里念予窮途不忍別去中心感之

有贈二首 送陸粲石之金陵省令兄繡聞時歸自

關外三首 喜張稗恭南還因有贈六首 輓范眉生

客死燕中二首 汪舟次以所愛籠內錦雞命余賦

詩 歲盡日青元觀作 句容詠懷古蹟四首 輓

胡彥遠處士二首



卷之八

書燈 客燈 漁燈 佛燈 贈茅山道者 傷

鹿為獵人所獲 過峨雪上人方丈留贈 同杜

于皇王仔園汪叔定蛟門左嚴重集龍眉春草堂

春晚 四首 同爾止飲仔園宜樓下值龍眉叔定

蛟門繼至諸子因請爾止說杜詩賦得聽詩靜夜

分 送周彬若遊金陵 送王正子遊金陵時為

周彬若書記 感秋 三首 登歷陽城樓有感 昭

關 楚霸王廟 魯妃祠 彭孝子壽燕堂 壽

蕭尺木七十 思春辭 弔張文昌遺宅 桃花

正放諸客於溪邊飲酒 貧士詩 與村童飲牛

於溪 村中夜坐高樓書懷 詠史 五首 毬狀元

李天下 宣華苑 織錦樓 蕭儼 江都

春去 芭蕉 二首 秋日寓目偶成 揚州客 四首

贈酒家 夜坐 怨情 臨高臺 少年行 四首

擬歡聞變代青樓有嘲 犀盃 池中落花 佑

客船上作 讀王摩詰詩 種柳怨 二首 虎丘見

美人 山家 寓吳山雲居寺 送同遊者歸揚

州 借鏡 覽鏡作 過林處士墓 偶成 惜

夏 二首 門 二首 新娘娘 六首 勸酒詞 五首 僕多叛

去作詩誠兒燕 目患已除喜而成詠 秋熱 三

首 題畫 作家書 題畫 嘲螢火 三閣詞擬



劉禹錫三首 題汪汝為畫二首 待渡二首 祝雞翁

詠弓足 賦得桂送閣百詩入秋闈 問吳賓

賢成二絕 寄李岷瞻司理 題美人圖 木槿

二首 萱花 夬明 玉簪花二首 雞冠花 題王

阮亭小像二首 又題阮亭小像 七夕送別王阮

亭儀部北上四首 題漁舟圖 貧農夏日吟四首

村居 七夕雜詠六首 作祭妹文成悽然詠此

題劉伶荷鍾圖 平原君 漢高 漢武帝 賈

誼 董仲舒 八公 謝安石幼度二首 殷淵源

潘安仁 夜睡偶覺雙眸忽爛然盡見一室中

物喜紀二絕 梨花酒 書懷三首 示農家子弟

讀書者 癸未十月十日之夕家大人聞闖寇已

據西安憂劇不能就寢枝蔚兄弟侍立至夜半大

人尙堅坐門外凌晨痰作忽焉見背嗚呼實惟憂

憤之故矣弔者在門誰獨非人臣子及今半月便

聞反面者紛紛道路因涕泣有述詩云乎哉 避

亂贈劉二含哲二首 磨吟二首 醉後口號 秦宮

人 從軍行 秋日柬李太玄 聞北山壯士敗

信喜焦大夏已歸柬贈一絕 渡黃河 舊宮人

二首 難婦詞四首 齊宮 聽鶯 感雞冠花 揚

州竹枝詞七首 哭妹 寄鄉中舊遊 漫興八首

竹枝詞 楊花 青樓曲 一友圍棋戲贈坐上



偶談及眇賊李自成事 明妃詞二首 嘲鄰舍

廣陵送曾庭聞之新安三首 榮啟期 聽春禽作

二首 觀猫戲 眇柯園雜題三首 春日對小園花

木有感 閒趣

卷之九

楊柳枝六首 蘇州雜興四首 山中 水田衣 姚

山期客淮上戲寄 途中聞播穀 對鏡作 歐

臺同王于一杜蒼畧和李太虛宗伯二首 太虛宗

伯園中觀女樂二首 同姚山期遊竹西是日子試

水田衣 采蓮歌六首 寄弟穉發實夫 寄紀伯

紫兼索令妹詩 題黃皆令詩集後 采蓮曲三

首 湖上寄內 看花作 爾止索題姬人抱鴛圖

五首 題華山高枕圖壽吳香林 卽事送王築夫

歸八寶二首 謝張康侯明府送馬遊山口號 題

濟勝七物次江湖長翁韻 一柱杖 二扇 三

錢篋 四筆囊 五酒榼 六釘鞋 七村童

惠泉 蘇商卿使君招飲竹西觀荷二首 小園芍

藥二首 詠白髮 飢吟 送徐莘叟歸故山 與

方退谷同舟至真州別 雷塘二首 揚州雜感二

首 贈汪漢年奕師 入空城過無言 謝王備五

寄茶 與村叟對飲 村中 湖中大風二首 冬

雨 飲季希韓宅聽周小史吹笛 篋中偶檢得



亡友姚山期聞鵲一絕讀之泫然有作 柬汪湛

若二首 卽事贈湛若 見白鬚作 題五柳圖

感賣花人 過安豐鹽場作二首 杜于皇五十

贈方士 漂母廟 過亞父塚作 送淑源北上

廣陵元夕紀感三首 食齋二首 方爾止五十

冶春口號三首 懷李岷瞻 寄懷馮密菴二首 對

菊二首 舟至徐園兼呈主人二首 鏡中遣懷 對

櫻桃作二首 隣家遣小鬟送花 題畫五首同吳

賓賢汪舟次作 石崇擊碎珊瑚 朱買臣負薪

卓文君當壚 張良進履 蘇武牧羊 題方

朔偷桃圖壽吳爾世四首 過吳賓賢陋軒因題碾

坊一絕 家無言遊吳門有懷二首 寄詩僧問旭

郝羽吉庭前梅花不開詩以催之四首 春日懷

友十四首 題樽酒論文圖送別王幼華歸秦中

懷張司馬 房興公命戴葭湄畫余小像與已相

對詩以志愧 清明王阮亭招同林茂之張祖望

程穆倩許力臣師六家無言泛舟城西酒間同賦

冶春絕句二十四首 後冶春次阮亭韻二十四首

和呂紅橋旅夢詞三首 泛舟城北餞畢載積州守

歸里 題王貽上小像 題醫者何仙掌小像

抄陳其年新詩 送吳賓賢歸東淘三首 贈雷伯

顓 題茅山下曲水亭次壁間韻二首 方爾止刻



小像于箋上寄友人書輒用之爲題一絕 汪舟  
次出亡友江天際所畫與予輩泛舟圖潛然題此  
挽房興公朱姬 三首 陳東日畫梅鵲圖 題舟  
次小像

澆堂前集卷之一

焦穫孫枝蔚



樂府

善哉行 癸未

歲暮苦寒饑以爲端河冰三尺在 用垂竿 一解 薄衾裂

幅肢骨盤桓望見百神奔 走在天 二解 租吏至門口燥

唇乾以何相謝清酒爲歡 三解 貧日寡交稱貸艱難平

原諸賓飽不能餐 四解 買酒一石賣却馬鞍馬不得騎

涕下洗瀾 五解 僊人王喬奉鶴相迎我 讎未報不敢同

行 六解 ○施愚山曰俱奇語  
極窮酸却露英雄本色

築城曲

怨抽丁也



城昔未嘗壞問汝何從入城今築更高愁汝安得出

烏夜啼

甲中

落葉滿地星滿天霜華初白月初圓北風蕭蕭雁不至  
殘燈欲滅還復燃忽聞啞啞枝上啼啼聲酸苦情可憐  
我愧人中之曾參爾豈鳥中之杜鵑起着麻衣拜烏前  
吾方八歲母弃捐去冬父亦歸黃泉兩墳只在村東邊  
雖無狐兔敢來往却少松栢相接連爾能返哺吾不如  
吾每夜啼爾亦然不祥恐取隣人惡好去別棲高樹巔

汪舟次日苦語以古氣  
出之只覺悲聲盈耳

空城雀

昔日城中諸少年當春挾彈手不閒彈弓本爲孝子設

乃使汝輩同鷹鷂自從桑田變滄海經過空城淚如  
隣舍不知竄何處時聞雀聲噪簷前還顧數黃口高下  
各翻翮身不如微羽骨肉失團圞回頭悔所爲撫心愧  
仁賢纔知性命無大小方悟天道有循環空城雀謝少  
年瘠土有善心將死無惡言不遭亂靡定誰肯相爲憐

秋胡行

撫劍何之遠道苦崎嶇撫劍何之遠道苦崎嶇北風發  
發雪與之俱龍潛於淵其德不渝施愚山曰古音亮節待春而驤  
澤及海隅歌以言之遠道苦崎嶇

行路難

乙酉

餐君商山之芝君不肯食生狐疑奉君黃石之書君復



不讀將何如不如毀我書匿我芝與君日飲醇酒近婦  
人走馬向南陌烹牛宴北隣自念歲月良可惜得君之  
歡復何益嗟哉逢人無一可出門入門計皆左君不見  
古時人歌行路難踽踽獨行豈獨我

蒿里曲

丙戌

道旁白骨走蟻蟲不如秋草隨飄風此曹有母復有妻  
誰令拋置古城東肢骸雜亂相撐拄知汝或爲雌與雄  
或爲壯士或老翁王阮亭曰壘  
一句古甚吁嗟人生誰不死姓名  
須載青史中不然亦得歸鄉里兒孫拜墓牲肴豐哀哉  
長平衆毅魂天陰月黑嘯青楓國家選將貴得人無委  
士卒葬刀弓天子有道重人命鴻名赫赫垂無窮

王阮亭曰古而  
健鮑明遠之流

白紵詞

與君初相見同調世所稀贈君無他物吳中白紵衣白  
紵雖微渺取意請前陳淡如古時交輕如山上雲東家  
年少着紫袍君若遇之暫逡巡面有酒肉馬有塵十步  
之外能污人

猛虎行

高賢能庇世取侮村市童猛虎能醫人畏者稱其雄虎  
是山中物肯使山中空箕山有許繇商山有四翁人獸  
不同居焉得虎不窮既然今世士紛紛朝市中命虎充  
山隱誰言天夢夢朝命食村婦暮命食村僮僮婦若有



知怨士與虎同

吳野人日詠諸語使人絕倒玉川東野之間

行路難

君不見井上有轆轤蚤起不轉午亦轉架上有羅衣夏  
雖不卷冬須卷人事循環多類此美器何曾廢瑚璉念  
我糟糠長苦辛使我對食淚沾巾但願舖糜共白首嫂  
姑見笑何足嗔坐待高天雲霧失鳳皇相賀飛鳴日

吳野人日飛揚跋扈之氣自在

陌上桑 丁亥

陌上桑採桑者誰秦羅敷羅敷不出門得見使君無請  
語使君莫踟躕羅敷雖出門動與禮義俱道旁聞者增

嗟吁女子苟知禮求者徒為愚朝秦暮楚胡為乎誰言

鬚眉即丈夫 王西樵日末二句是王意論古法以不說出為淡然筆至此亦不得不說出矣

艷曲二首

楊柳覆邗溝門前春水流怯寒衣舞袖聽雨在粧樓 王西

樵日是六朝艷語高唐律一格為送蕭郎去雙眉忽着愁 施愚山日着字妙

青樓十萬戶驄馬向誰家蕩子如飛鳥佳人怨落花含

情無可訴夜夜弄琵琶

妾薄命 辛卯

木中有連理禽中有鴛鴦紅顏遭亂世婚嫁失其常父  
母昔教我禮義古有防高樓臨大路近宅惟樹桑當春  
行陌上車馬生徬徨謂妾顏如花願贈雙明璫賤妾自



有夫愆期焉敢忘歸來淚滂沱月出照空房盛年不久  
待遠道何茫茫阿姊問音信阿妹勸酒漿同心不同心  
各炫嫁時裳姊妹且如此何恠行路狂

薤露行 效子建

春溫變秋肅朝陽成夕曛我幸得爲人倏與鬼爲羣維  
東有泰山維西有崑崙崇德能如茲後世皆見孫祿位  
不可得何地著功勳忠孝教吾子修緝古典墳列儒有  
要言塞耳不須聞屈體事松喬誰當憂斯民

采蓮曲 戊戌

妾采蓮采蓮寄君子葉上露如珠思君淚可比何以答  
妾心拔妾在泥裏

妾采蓮采蓮常多慮妾愛蓮子繁誰拔蓮根去不遇  
花人敢訴心傷處

妾采蓮采蓮畏人見驚起雙鴛鴦使妾淚滿面風浪如  
不作花香常不散

禽言

婆餅焦兒着惱不怨新婦但怨婆新婦入門年紀小婆  
還語兒兒勿惱婆餅雖焦婆心好明年願得孫兒抱  
行不得也哥哥人生安用黃金多筵上酒賓還未散門  
前吊客忽已過君今不歸當幾時世間那易清黃河歸  
來高堂有老母復有諸弟工詩歌若待齒搖頭白日馬  
不能騎奈君何



布穀布穀難得今年春雨足忽聞北兵又經過家家城中修破屋可憐牛老進城遲被奪已飽數人腹道逢官長聊前訴但問還有新生犢官價一錢不肯虧買送前營免被辱老農生今不如死布穀布穀徒聒耳

長歌復短歌 庚子

歌聲長淚亦長歌聲短情不短人生少壯無幾時誰知白髮忽然滿篋中空有萬言書東方何日上公車置之十年懶開看只今霉爛生蠹魚出門偶逢鄉里兒高牙大纛志氣舒歸來便欲焚筆硯還聞武帝寵相如詞賦爛熳終無益焉能致主唐虞初長歌短歌空斷續命則不足心有餘安知窹越不逢時聞其歌者爲躊躇

短歌行擬王建

星家謂子壽不過五十一歲且弟兄宮主分離因悽然有作○辛丑

花莫作三月花鳥莫作五更鳥花開無幾日鳥飛向遠道開時遲落時早別時多聚時少對此但當寬懷抱弟兄一父之所生及至相逢身已老何況區區花與鳥短歌行歌未成淚先傾

佃者歌

溽暑中兒燕歸自田間述佃戶貧苦狀余惻然代佃作歌○癸卯

插秧插秧小麥登場炎風何來吹婦衣裳婦但見稻苗不見赤日光吁嗟我糟糠

債主來何施施病婦下床烹伏雌長跪主前淚瀾瀾斗斛唯命安敢辭與其豐年轉苦饑凶年活我君何爲

寒夜謠



寒風夜起帷敝先知仰見星河坐將霜髭木則已枯復  
何用枝慙磬爲室樽壘相悲所悲伊何主人長饑無能  
慰藉輾轉如斯東隣鼓瑟西隣吹箎清漏迢迢紅燭歲  
蕤人生無幾行樂已遲

鴻鴈南飛今夕何夕擾擾百年但爲形役奄忽已老奇  
功不立悲哉愚生遭運之塞農父不耕憂貧何益壯士  
無成不如盜賊堯舜爲君夔禹在側魯中大聖安坐未  
得歌以長謠淚下沾臆

王西樵曰筆勢  
駸駸欲度老瞞

悲歌 乙巳

莫以千里馬賣向田家叟莫以宮中粧誇示里中婦瑟  
不如竽抱此焉徂仰天而歌其聲嗚嗚歌聲亦太苦處

世亦太愚

四言古詩

旱詩客富安場作 壬辰

河可以漁不可以牧不知魚禍乃爲羊福  
月明光光有女焚香盥面無水何以見郎  
嗟彼雷師不如吏威風霆在手帝失其機  
鸛翼雖小可以激雲鵬背雖大無風如焚  
人射反射鸛能報怨巢少雨少鸛能報旱  
南隣火起北隣薪徙東隣賣油西隣無水  
魚與蝗語吾將化妝蝗與人語帝命罰汝  
神龍徙宅魚不相隨彼國雖大高山間之



漁父無家哭向月明高岸兩面如坐空城  
一婦之冤天則報之報一累萬而天不知  
舊雄語雌新雄碩肥雌將欲往恥獨無衣

吳野人曰諸四言摠當入樂府有類安東平諸詩者有類易林者丁酉樵曰又有類于獨漉篇者

五言古詩

代書寄呈大兄伯發 壬午

鴻鴈何時至分行類友于感此生悵惘吾兄天一隅思  
兄猶自可堂上聞嗟吁四男雖遶膝終日憶江都父年  
逾六十眼花書字麤弟今方賦詩西抹復東塗父謂汝  
能此此可代家書家中數年事備寫戒模糊臨紙涕長  
垂爲子我何愚自從學干祿未知祿有無男兒立功名

豈只仗操觚殺賊取封侯庶幾大丈夫不然刀霍霍亦  
當從屠沽請看廣顙兒奉親羊與猪持此語仲兄仲兄  
不謂迂所賴大兄賢爲長獨勤劬問兄胡不歸兄計復  
不疎亦知趨庭樂敢惜負米軀弟如工語燕兄如返哺  
烏燕語但呢喃烏口今卒瘞感慨請具陳但恨詞繁蕪  
吾家本素封不合輕犁鋤魚鹽頗得利謂可佐軍需昔  
在承平日萬里如門閭行人無阻塞寄遺歲不虛桑海  
旣已變貧富在須臾此事兄豈知干戈滿道途憶昨庚  
辰歲米價如真珠村南人食人老父心憂虞貸粟問焦  
九 中丞涵一從弟得金意稍舒金雖過三百聊可周村墟笑  
謂蕃與蔚我其于公徒他日高門戶今日活溝渠却記



在揚州雲液美如酥是時梅正發床頭無一壺公然樂  
飲水聞者轉欷歔負債忽到今兼且困追呼盜賊亂中  
原如腹生癰疽郡邑久蕭條如患染皮膚富家練鄉兵  
子弟半執殳棄村復築堡筋髓日以枯衣裳與簪珥所  
存乃區區吾家亦復然父體太清癯幸有焦中丞諱源  
罵賊死諱源閉輒來敝廬既携杖頭錢復折園中蔬此意過繼  
綵敬父是老儒聽公談舊事奮袖捋髭鬚海內正多故  
東山豈久居離別常易有良會實難圖父亦設鷄黍隔  
日成歡娛二子不離側起坐要人扶中丞善草字醉墨  
龍蛇趨請掃壁上塵誰慮衫袖污筆墨誠足寶殺運幾  
時除樂極悲復來悲來樂已徂高年苦夜長先愁日欲

晡兄今久客彼橐中裝何如親戚亦可托淹留何爲乎  
不見張天驥放鶴友樵漁菽水媾翁媪何知有陶朱言  
盡意不盡歸與且歸與

生日作

門戶懸弧日中原無事時隣里來相賀啼聲異他兒長  
大徒可愧金印取無期烽火明道路區區工文詞趨庭  
豈不樂退卽潛自悲見父不見母淚落手中卮失恃纔  
八歲自恨頑且癡鞠我恩未報何用徒生爲

書懷呈同志

弱冠習雕蟲虛聲喧大郡中原紛寇盜勢恐邦畿近肉  
食安足謀悠悠付氣運文學早忝竊報主亦吾分讀史



懷往賢交心有慚憤賈生無高位陳策詞何忿終軍况  
童子請纓見素蘊人生無再少二子垂令聞竹帛讓他  
人此事真自償父兄明大義斯行吾豈紊旣微橫草功  
遂免無蛇問壯士偶相逢淚下不可拭與爾少年場慎  
毋貪美醞

田家雜興次儲光義韻

節物近寒食游人喧郊墅花下携酒榼壟上坐兒女在  
世能幾時苦欲買園圃老翁去已久古墳種禾黍桃花  
紅過墻楊柳綠垂渚聞有楊子雲憂心但如杵憔悴仕  
莽朝身貴何足取

施愚山曰  
傲然自足

娶妻非齊姜置田非膏腴結交非平原或牧或樵漁親

戚不我嗤還復羨幽居厨中辦鷄黍竈下燃竹榆相期  
風雨候蚤更過吾廬得巢雀相賀得食鹿相呼與爾共  
鄉縣時來傾此壺

桃柳旣相對鷄犬亦相識新婦出採桑道上誇顏色教  
子不求官百年樂比翼昔有魯秋胡其事堪嘆息竟損  
君子名長愧高堂側安得如冀缺家風最樸直欲知相  
恭敬請看親餉食

野人常在野鳥獸頗相關嗷嗷嘆衆雀求食何時閒慨  
然念羲農至治神人間鼙鼓聲不休羣盜滿南山衣食  
起干戈世路多險艱仁義那可恃清淨良難攀誰言莊  
與老不如孔與顏



獵騎過青山追逐良自樂朝出長安城晚投咸陽郭笑  
謂田家兒止知誇收穫乾坤方用武人命輕鳥雀養賊  
二十年無人收河洛空有長弓箭不射攬槍落大言竟  
何益此輩真輕薄

種松不言短買牛不言老衰世多愚人平生守正道藥  
畦階下成酒甕床頭抱不遇陰雨後豈知明月好閒暇  
登古臺望中但野草故宮太淒涼使我歸來早  
窮居少親友閒坐一茅屋日落杏園中飛鳥競棲宿張  
燈對蠶婦開扉候牛牧籬落絕虎狼人家滿川陸汨汨  
夜泉流清聲遶竹木更聞遠寺鐘省心無馳逐  
桑者各有侶閒閒在十畝奈何冠蓋客竟忘山中友獨

吟招隱詩誰携問奇酒山路亦咫尺風塵久奔走寂寞  
庭前鶴蕭條門外柳豈無白髮親日暮倚門牖勸爾蚤  
歸來酌爾以大斗借問桃花源君能再往否

王阮亭曰八首便似儲  
又似杜新安石壕諸作

避亂雜述 甲申

盛世貴多男還復誇門戶我家渭河北雕梁紛燕語長  
貧異原憲爲儒習鄒魯兄弟頗不少出入誰敢侮今日  
遭喪亂一身去無所何況滿門中嬌兒雜弱女夜行晝  
乃伏陶穴暫可處不道腹中饑但言行路苦移時聞鼾  
睡夢中猶噢咻妻或枕我肱弟或枕我股平日守禮人  
縱橫廢規矩驚定默自思我命天所與天日見無期不



如歸黃土

王阮亭日徑率處得北征之神

去家曾不遠留客多主人主人非故舊亦復非高門

王阮

亭日閉語皆古樂府之遺意

夜中無臥榻雨中無積薪艱難頗相類

一飯何慙慙感此念漂母德止及王孫今我携家來何以報溪仁主乃前致詞同爲流離民自從畏豺虎無復畜鷄豚與君若共舟何時更結鄰桃源如有路慎勿走風塵

昔聞鮑文才任俠稱獨霸遠去採蓬實老母獨守舍母爲賊所畧兄弟不敢射須臾文才至奮擊無所藉殺賊十餘人但聞聲叱咤救母母已得救嫂且行詐賊復放鄰嫗提刀稍休暇兄弟三四人泣涕但雨下嗚呼遭亂

世橫死無蚤夜前時隣堡破舉目少姻婭鬼哭聞城壕人血濺臺榭至性兼勇力誰爲鮑君亞

覽古

乙酉

彥回本名士所惜壽命長司徒位誠高賀客滿華堂從弟曰褚炤對客泣數行一物與兩家毋乃太披猖謂君須作吊禍將及宗祊不弔而轉賀豈復理所當皇天忌名德遲死中書郎遲死幸勿死無面見先王

王儉通經術文采爛雲霞咨事數十人誰不相嘆嗟風流並謝安插簪故作斜朝野競相倣世俗頓紛華君子貴立身儀容安足誇齊書幸已竟聞在處士家

休文撰宋書肆意于訕譏蕭公所不忍乃更删除之年



邁氣漸餒神鬼日相隨斷舌雖繇夢報應理如斯覺來  
尋道士道士笑其癡勸君效貞節夢覓白安怡

房瑄隱陸渾矯矯負令譽天下爲已任高談頗有餘一  
朝將重兵車戰竟何如所恃楫與秩豈知皆豎儒哀哉  
四萬人流血成溝渠名士苦無用萬古爲欷歔有愧諸

葛公不輕出茅廬

王阮亭曰諸葛君真名士故知名士未易言

赫赫李光弼功居汾陽右當其戰河陽靴中插匕首臣  
位至三公安可辱賊手萬一有不捷一死謝我后義氣  
激諸軍三麾賊皆走西向拜且舞庶用酬恩厚奈何中  
遭讒疑懼尋嘗有存問及慈親忠誠稍無負身沒名幸  
完斯人今不朽

王建下彭州走卒乃奇才所陳凡七條百姓望招來前  
問屢移床頓使神智開謀者固云善聽者亦虛懷用人  
限資格何以服草萊不見王先成荷戈在塵埃

張濬明大義能責王敬武豈有累葉帝不如販鹽估李  
康能受教亦足感千古濬名卒不立良繇私憤怒君子  
鑒于斯寡欲非小補

鄭五旣拜相屢表能力辭平生好詼諧此意蓋可知大  
安可爲賀客徒滿堂憂心將告誰一笑

前謝客還吟歇後詩孰言才不足請觀論賊時

韓偓秉雅操終不拜平章側身爲近臣中情滋可傷丈  
夫感知已安忍棄危亡薦賢竟得罪從此阻恩光生離



與死別君臣永相望太阿

無益徒沾裳

苦

多淚敢不誠後王

王阮亭曰至性之言得小雅之悱惻

唐末稱哲士惟一司空圖築室王官谷賦詩良足娛丹

詔忽焉至中夜起躊躇強顏赴京闕何時遂區區墜笏

竟失儀陽為老且愚朝士皆相笑何用此山癯養高釣

虛名難使朝中居多謝柳平章放魚歸江湖當時蒙微

罪千載享令譽

王西樵曰梁史舊文不足據王禹偁辨之詳矣此作足表遜栖之志

自邑中歸田作

壯士不苟交意氣愛屠兒以茲處城市恥復問東菑隣里漸乖違田園長蒺藜學劍既不成為農則已遲道逢賢親友勸語諄且悲上當念先人下當慮屢屢謝君車

與馬贈君以鋤犁但使身常保何妨四體疲我欲揮之

去還復坐自思前日弔荆卿昨日哭漸離此輩皆烟滅

我安所追隨不如從君言但恐鄰里嗤

朝與牛同出夕與牛同歸所遇但牧童安復有是非貧

家無僮婢且喜牛常肥賢妻賴能勤不廢窓下機織成

一疋布將為賤者衣長作隴畝民高歌望夕暉

驅車當得路鑿井當得泉我本東臯氓適野便悠然小

心事農父農父謂我賢

施愚山曰真陶授以耘耔法要言皆可

傳節序荷相存乾餼未有愆始知詩書外禮法不相懸

此中無羞辱聊用樂天年奈何催租吏箕踞柴門前野

人苦低頭不如對簡編簞瓢與陋巷昔不有顏淵



覽書忽不樂戰爭古來有當時立功人往往身先朽富  
貴苟不終空羨田間叟達人識進退沮溺果良友可笑  
王孺仲乃為兒曹醜苦節誠未易且復對尊酒

王阮亭曰古詩能發源十九首漢魏樂府而兼有陶  
儲之體以少陵為尾間者今惟焦獲先生一人耳

雜詩

狄青自有祖何必梁公強告身十餘道獻者無乃狂鄙  
哉郭崇韜遠附汾陽王居然拜其墓對之生徬徨祀舜  
既為魏祀堯復有唐王西樵曰懸元  
皇帝更無交涉附會徒為爾史冊  
紛相望自古生人民所重在忠良勸君勿為賊宗族自

輝光

王西樵曰觀結語  
當為刺逆闖作

與客二十餘人夜發三原赴張果老崖

客至不失期繁星照四野出門十五步潺潺水亂瀉壯  
心絕躊躇舉趾疾良馬短衣二十人徒輩已非寡行行  
過古原村中鷄聲啞數言還相戒持刀坐樹下古來得  
禍人往往由苟且諸君年皆長我齒猶少者坐次反推  
讓此意尊儒雅弓刀仗驅除何地容詞社太息邦國壞  
斯文有真假重文嘗輕武賞罰失用舍感嘆竟何益微  
雨忽沾灑天明腹中饑空墻棗堪打農家種樹成棄此  
竟幾夏四方多流離語客淚盈把

鷓子橫九州猛虎步高岡男兒須戰死時危見忠良左  
手掛長弓右手寶劍光與國雪恥何暇恤殺傷郭君  
建義旗盡室離涇陽讀書慕子儀號令嚴秋霜哀哉無



王命布衣念封疆王阮亭曰前有劉越石後有杜子美得此三之幸得同隣里

提携成大名請誦無衣詩與子且偕行

入山無所食陰雨何綿綿打糧五十里近山皆石田此

地久用兵人家遭播遷望遠神易傷蕭條絕炊烟食牛

常苦渴兩手掬流泉是時胡桃熟到口悅清鮮山後兩

頭領部伍不相連借問彼何人同袍戒勿言此輩實大

盜劫掠已十年昨慕郭君義勉强效周旋豪傑起草澤

不復擇愚賢聞此增嘆息兵機固多端坦懷能用衆于

茲見一斑我軍仗大義何必糧草全

王西樵曰合看三章之法知是從老杜出塞諸作來

贈貧士

士身何自苦士計乃不違終歲無僮僕蓄犬亦得肥

無勢利腸忍饑守柴扉李平庵曰此等詩又學東野

怨別丙戌

少小入君室衣食正豐潔貧賤尚不知何況知離別在

富反相守居貧忽東西悠悠萬里遠天道安能齊冬風

寒游子春風傷空閨如何改歲時各為風所悽增君身

上衣減妾口中食君不及早歸妾饑當何極

讀鄭所南作文丞相敘

文山在獄中贗詩稍流傳蓋出賊臣手將以損忠堅北

軍氣轉揚殘喘竟堪憐不遇鄭隱翁受誣長九泉敘文

數千言終始何了然人生貴相知何必識容顏後世奉



龜鑑何必馬與班

行子吟

促刺復促刺行子棄墳墓酌酒拜先人風吹白楊樹欲去不能去徘徊在中路家人戒他日勿爲地下怒持此勸早歸大義敢不顧百年復幾時將身冒霜霧饑寒遭驅迫車輪焉得住哀哉遠遊客無罪同征戍

遠鴈類行子哀哀頭上鳴道旁見弋者惻然傷我情黃昏入旅店此鳥忽就烹停箸不忍食念其有貞名夫婦遠離別焉知死與生卽今郭門外盜賊正縱橫

吳野人曰與張茂先我欲射鴈念子孤散情同指異在念其有貞名一句

行子欲何往前路多風塵拊劍望中原誰爲濟時人關

中帝王州蕭曹古名臣奈何舍此地自負頭上巾長風吹轉蓬流落江湖濱壯士能相笑乃與商賈親咄咄復咄咄行子良苦辛

亂後初抵廣陵喜見家兄伯發

清晨入郭門市井新燒燔此邦經久別焉復識吾園屢逢市中人欲問不能言脚蹶蹇驢背見人疑賢昆行行忽相遇執手如夢魂異縣不可居哀哉此乾坤弟兄同飛鳥豈不愧天倫

前月得兄書今日對兄面脫身弓刀下幸喜容未變不暇問田園艱難謀一饌慮我途中饑買酒不擇善人生守骨肉毋論身貧賤勸兄勿多憂萬事如流電敬此百



溥竹前集 卷之一  
年身有母須歸見 汪舟次曰  
羗村之神

譏老翁 丁亥

楊雄罵富人比之鹿與牛袁盎罵富人緩急不相周我自入鹽市間與富人游不罵亦不諂相逢常悠悠譬如渭水旁何妨涇水流南隣一老翁足恭爾何求朝扣富人門夜飲富人樓子孫三五人使與富人謀執鞭有傲色老死吾無憂豈無貧親戚視之若贅瘤還聞骨肉間往往生戈矛富人何足罵老翁良可羞豈識道北阮高名垂千秋

久雨 庚寅

邗水非黃河亦從天上來滾滾魚與鱉走上凌風臺何

處有僂鶴騎去不放回 王西樵曰近日如此等古詩最少見○阮亭曰嶽崎歷落

小寒食雨中讀陶公乞食詩

十日雨不住翻覺雨無礙貧家事望人天晴亦稱貸饑寒咎風雷叩門稍有態不然日色中人肯憐此輩陶公我所師遺篇存梗槩不敢示親戚聊用慰感慨冥報雖有心行乞恐難再

時齋詩 辛卯

甯戚既飯牛公孫亦牧豕志士無不可祝鷄何足恥况我琴瑟友鷄鳴易君子閑則看一兒或啼復或喜持竿逐墻下天機頗在此

王西樵曰勝杜公縛鷄行○阮亭曰既愛翫賢妻識趣復非儒仲可及此其所以為澹堂乎



我齋在何所迺在織機邊其側爲罍堞粥粥但滿前  
秦寧鷄口其妻未嘗賢我愛陶元亮鷄鳴桑樹顛同心  
如翟氏共對琴無絃無食雖可慮折腰亦可憐不見古  
婦人能吟于役篇日夕望君子不如牛羊焉取罍名吾  
齋此義貴自全敢曰學子輿遂爲王政先

工西樵曰其用鷄故實處皆有奇趣非呆筆可比○阮亭曰游戲出之更見奇古

我昔學爲農牛饑常不免棄之來四方至今未歸返親  
友倘相憐乞食安屯蹇不如我糟糠利鷄如利繭推其  
辛勤意治富良匪遠忽吟鮑昭詩不覺淚爲泣倚杖牧  
鷄豚豈曰非排遣

丈夫不學賈作婦徒可憐瑣屑養鷄豚自謂生計便置  
我手內書爲說我昔年別婦來廣陵亂餘稀人煙荆楚  
塗方開鹽商握重權我偶學其術亦得三倍錢奉金結  
好友夜夜陳歌筵易富亦易貧快意貴當前到今翻累  
汝自審成髮愆北門苦交謫吾遇豈不賢

慰病足贈徐增子能

壬辰

侯門不可往朱履安可爲酒肉使人低

王西樵曰與太白窮居使人低

同妙而意正相反

咎非口腹貽欲進每趨起取諂韓退之異哉

莽平原徒自殺其姬

虞寄稱脚疾竟免寶應禍皇甫脚偏小上疏計非左徐  
增雖在床敬業未肯惰天意成高名奇疾無不可

漑堂詩



漑釜待烹魚懷音俟西歸古之傷心人立言婉且微我  
本西京民遭亂失所依田園久乖別結網羨漁磯幸賴  
同心友相過飽蕨薇閑則坐我園談說舊郊畿因而名  
我堂風詩旨不違却思千載上宗國事  
對酒不能  
飲涕淚相與揮家人或未察私笑在房幃春月方娟娟  
春花亦菲菲何爲客與主愁嘆非寒饑

客從何方至云自故鄉來見我兄與弟怨我忘蒿萊孀  
居賢繼母倚門望我回兩弟雖侍側爲農乏錢財送客  
出門去堂上心徘徊我齒今已強念昔爲嬰孩十歲受  
撫育期以將相才父時笑顧之兒得免折摧閔子稱大  
賢一身寒可哀母恩久不報遠遊何爲哉男兒遭亂世

壯志等駑駘遠望以當歸且復登高臺漑堂那足戀終  
南亦有梅

五月樓居雨涼欣賦

甲午

大運自有常積陽生重陰貧士臥三伏安敢羨園林樓  
狹如懸甌雨至類層岑適志有枕簟束書無古今旣和  
天地氣遂平父母心意中所喜兒抱立向簷禽旋笑復  
多啼其聲混雷音每看先賢傳固窮良可欽暑月長清  
齋鄙俗頗不侵門前荷戈士揮汗恒滿襟感此午時風  
何讓豐年金瘡痍徧宇宙得酒忍獨斟

詠史

去故以適新樂毅非純仁交絕已復通往來一何頻終



身不伐燕趙國不敢嗔今日事趙王猶昔為燕臣去國  
苟無禮趙亦有四隣所以隆準公垂問其後人

王西樵曰雖極痛快仍是於言外見意味  
史詩此極足法○阮亭曰旨遠而氣古

陳平不負知安劉功何訐呂布得袁渙乃使罵其王反

覆終成擒君莫怨魏武

王阮亭曰勁矯

智哉張留侯借漢以報韓絳灌皆不知中心有獨安直

至友赤松而後大節完仁矣美髯公寄身于阿瞞漢以

操為梟操以公為鸞梟鸞終不合其始若情歡二公事

已往千載淚汎瀾奈何愚妄人翻為藉口端

趙彭見世龍流涕滿衣襟攀鱗豈不願所愧懷二心英

雄肯相強且復是知音安車與駟馬送君還舊林行路

共嘆息仰若栢千尋復笑春柳色徒然黃似金

王西樵曰筆意似太白古風

贈別詩為家五兄大宗北上

聞君當遠行親友前相餞顧我獨無携贈君淚滿面與  
君為骨肉誰貴復誰賤世事勿復道弟兄長可戀回風  
起道旁人馬不相見欲言氣先結親友漸各散腰有青  
錢百與僕克一飯努力事主人可以適所願

王阮亭曰回風二語在魏晉以上

伯樂之子讀相馬經誤瞻餘為馬感而詠之

乙未

馬有善跳者其名曰瞻餘癡絕伯樂兒索駿但按圖國  
家求賢才成法乃相拘何異相馬經讀者轉益愚



古別離 丙申

別君六月中冰盤浸碧藕思君八月時寒河照衰柳時  
節忽復易綺羅向誰守君去衣未去欲寄徘徊久吳越  
有佳人文綾出織手故情苟不薄新衣何妨厚故衣留  
妾邊亦得親君垢君若無新衣寄書獨何後

曾庭聞曰婉轉動人故情二句較之極  
知意氣薄不着去時衣更使受者難堪

古意

積雨不可止古屋不可居含愁下空牀秉燭坐堂隅屋  
漏非舟漏其下無蛟魚君子臥舟中此夜復何如

秋柳

柳是傷心樹當春稱佳種嫋娜曾幾時忽如女失寵人

生百年中學道苦不勇勿為秋柳悲疎枝更瘦竦既去  
無復存行人笑古塚

秋野

城市苦喧雜秋氣鬱難通白帝雖有勢如人閉車中行  
野見秋色豁然無所蒙明淨了難說王阮亭曰禪意不與蕭瑟  
同川光一何澹木實亦何紅此時造物妙靜觀惟野翁  
可憐悲秋客瑣屑獨無窮

秋風

秋至風早肅潛與殺氣從雖復多摧折頗異刀劍凶蒲  
柳本脆質無怪難相容對之加衣冠何有疲與慵誰能  
師天道刑名亦可宗治鄭有惠人治蜀有臥龍



滄堂前集 卷之一  
秋蝗

力田冀有秋戎馬遭蹴踏蝗飛復何爲遠田勢周匝農  
家墻屋矮誤落常在榻驅之旣無術仰天但鳴邑我聞  
廉吏郊此物不相納誰謂彼蒼高與人成報答唐初稱  
賢主君民志最合生吞竟無難何繇種雜逸茲事良難  
邁禾死同摧拉收穫望明年除汝仗寒臘

秋蜂

採菊見寒蜂似愛菊香清衆蜂已不出汝何獨多營有  
如辛勤士立功異羣英勸汝歸蜜房天時安可爭馳逐  
苦不止將恐傷汝生君臣永相別欲重或見輕

王阮亭曰從杜  
詠物詩變出

秋牧

牧人無寒暑秋溪露兩脛不知誰家墓驅羊上其頂欺  
彼已死骨秋風吹不醒感茲增深悲學道昧繁肯昔有  
叱石客焉知非君等

秋松

園中植青松所重棟梁具笑彼女蘿枝依依相攀附秋  
風忽然起兩物失平素正直終無恐脆弱常多懼如何  
孟東野于松有深惡罪其不隨時作詩爲訓諭我欲伐  
此木躊躇立霜霧古人焉足信淒然歲已暮

秋耕

出門葉盡落晚稻初上場倉廩幸稍實且免憂凶荒驅



牛復入田黃犢鳴其傍豈不憚蚤起勤苦祇自傷縣帖  
 前日至鄰舍半逃亡耦耕竟無人隨牛轉高岡羣歌聲  
 奮厲獨歌聲淒涼安得借寒風吹聲到君王周公為大  
 臣九月念肅霜

王阮亭日出家之作古未有此

秋邨

殘暑清郊野農婦共安寧隣叟歸城中所述不足聽城  
 中諸商賈尚復裸其形時令竟不同杯盤羶且腥何如  
 荒籬邊涼風吹酒瓶天上有織女亦嫁牽牛星君休笑  
 村舍明農勝明經請看禾黍收醉人常滿庭

七夕詩 丁酉

天上有好女能織雲錦裳既勤亦且貞夜夜宿空房離

別雖可念會合固有常烏鵲爾何鳥當期效徬徨大義  
 所感激微物亦飛揚世間愚兒女但為針縷忙其所今  
 夜巧誰憐往夜長哀哉望夫石是夕生光芒不得隨烏  
 鵲上天作河梁

施愚山曰荒唐得妙

擬古

山中有三士性情渺難干一士常大笑笑聲動林巒一  
 笑開人襟再笑落人冠笑臥霜雪中口不畏風寒一士  
 好獨哭哭罷好長嘆手把楚賢書淚痕曾未乾不知所  
 哭誰行坐但潛潛一士迺獨異為人慎且難不笑亦不  
 哭終歲惟默然我欲往詢之恐此即神僊復聞堯舜時  
 三士列朝端同聲還相和絕異顛與頑



會庭聞日此應休  
璉三叟之變也

雜詩

少年重結友志不吝輕肥後聞古人事獨坐重歔歛寧  
歎終割席蕪李不相非交道雖多端君子審其微後車  
鑒前輪徘徊安所依諸葛兄弟間敵國增光輝骨肉且  
如此寸心貴無違

杜鵑聲不嘿精衛口流血二物人所惡何況忠與節舉  
世皆尚同好言成異說強爭吾何敢且願守吾拙尚愧  
阮嗣宗臧否未嘗設

辱與貴同至賤爲福所環君看車輪推多在太行間日  
月有出沒海潮有往還奈何名利心擾擾不知閒李斯

受五刑流淚空潺湲同時四老人歌聲滿商山

王阮亭日似  
太白古風

買舟適東吳暮宿虎丘下將欲訪專諸要離抑其亞借  
問行路人皆云已物化請看高塚旁離離長禾稼昔蒙  
國君憐今爲螻蟻藉捐軀不可爲嘆息起中夜

去歲學爲乞揚舲指江津故人豈不好江湖多苦辛鯨  
鼉屢見侮乘風弄威神委運復何難所惜父母身歸來  
見諸稚嬉戲益可親忍饑自茲始垂堂堪書紳飲水有  
佳味還當語四隣

閉居感懷 戊戌

隣婦爾何驕男子拜床下此禮今有之不聞于往古世



無魯兩生但笑周公腐置棘高墻頭盜賊不相侮移桃  
近厠邊開花落糞土物生不得地懷苦莫言苦

高人多詭寄衰世惡直民溫當如湯泉男女浴其中甘  
當如惠水汲取來兒童得名竟自累受褻頗相同持此  
問柳下母乃太不恭柳下但默然玩世意無窮

處世如大夢焉知夢非真昨夜見上帝賜藥名長春赤  
若珊瑚珠爛爛射白雲盛以黃金盤雙成捧向前服此  
毛羽生汝可謝帝恩稽首不敢受愚私請自陳不願壽  
千歲願爲漢武臣朝揖東方朔夕游霍將軍聲名服後  
世文武非兩身覺來長嘆息嘆聲聞四隣

老莊薄聖人寓言常十九山海是何經淵明不離口諸

君雖高妙憂愁恐自有老死章句中虛生古人後著書  
存此意歲月亦已久歌哭但任性焉論傳與否復恐兒  
輩覺騷雅無長壽

春風意氣人長安車馬客爭妓滿後園歌兒喧大宅結  
交無布衣連姻到侯伯醉中何所道將髭笑古昔夷齊  
腹最饑蘓武頭全白同是百年身淒淒朝至夕

王西樵曰後四語是直述笑古之詞  
更不再着一語是用筆高處古處

種樹衡門內無多亦自怡橐駝是何人其名至今垂適  
已在灌園何必稟遺規家貧不畜酒遠客或未知到門  
意頗懼賞及權與葵坐久生嘆嗟非嫌主情衰清談荷  
相諒且復憫吾饑求飽計無難執鞭安可爲

王阮亭曰  
得陶之神



寸土能生草寸燭能焰人丈夫在高位何以利乾坤被服美衣裳舉族多懸鶉往來乘駟馬骨肉困風塵所親尚如此功名焉足論君見晏平仲慙愧七尺身

生男莫懸弧四方不可行呼人爲昆弟隨之起五更風土殊燥濕疾病慮難平俯視江豚上仰聽寒鴈鳴丘墓在何所財利始爲輕南山亦有田雨餘蔓草生父老相

譏諂伏臘失經營

吳野人曰諸詩風度意興是陳正字感遇李太白古風一流○王阮亭曰每不解今人古詩輒擬錄別公謙請試觀焦獲五言有一字不似古人神理不下士可以悟矣

### 戊戌生日作

行年三十九髻若六十人竊念致此繇豈不在天親有弟年當娶無以遂婚姻前歲遣之歸行李貸四隣至今

詩書傍常惹閨中顰每汝手札至愁臥輒一句梁鴻與孟光周旋良苦辛我尚不敢比况汝屬青春仲兄雖薄宦忠厚異同寅與君本一氣不得共隱淪子當如毛義弟當如鄭均三復小宛詩其言更諄諄相見日以老安可愧松筠我既久不才但望願得伸灑涕向淮水寄書無尺鱗徒有歌此詩腸轉如車輪車輪猶得止腸轉夕復晨人生長如此何物名大椿

### 四十初度作

巳亥

汲汲復汲汲人生無百年吾今巳四十淒淒復淒淒四十當強仕吾今客竹西本不求聞達無聞何足悲鄧禹雖笑人諸葛是吾師但恨髮早白恐非松栢姿久遭後



滄堂前集 卷之一  
輩侮安得不自疑自疑還自遣頭白心未疲猶能痛飲  
酒神僊當可期

僊人在何許迺在大海東黃金以爲門白玉以爲宮青  
青扶桑樹上掛曉日紅君欲謁真人要道本至公長存  
度世心福壽自無窮

隣牛

兩牛並已老隣居路不斜常時日暮歸各自識其家辛  
苦爲主人百畝敢辭賒力盡糞食報草色青無涯遭遇  
不賢主忽復又見加託身一失所行路爲咨嗟哀鳴知  
無益主人厭桑麻見笑于隣牛飽食臥東畝臥起常自  
如不教服大車王阮亭曰  
朴直難到

采蘋

湖水何茫茫出門無故道出門復入門憂來不可掃未  
知人何如魚鱉皆顛倒王阮亭曰妙句  
非少陵不能造童童孤生柳泥  
中死更早吾家赤脚婢但愛浮萍草謂此可代蔬不必  
藿能飽食罷還增感飄流不自保百物貴根蒂汝獨委  
行潦何異流離身長別舊里堡可憐水中萍豈如山中  
栲

觀釣

朝亦觀釣魚夕亦觀釣魚念魚失水時如人失其廬淺  
水如衡門深水如石渠貴賤雖不同行止各自如失廬  
猶可活失水徒欵歔亂當勿投軍貧當勿學漁萬命懸



一手不肯更畱餘施愚山曰我屋在城中城危不可居  
買書將教兒腹饑復典書殺蟬且不忍何況竭澤沮作  
詩戒家人慎勿厭野蔬

結屋

結屋在湖濱魚鱉來作宅種柳在道旁憔悴逢馬客上  
哲其自處無憂禍患迫世固多齊王汝勿爲鷄跖

采菱

我行適秋野常逢采菱人菱角刺人手臨老失鮮新采  
者不忍棄貴其中多仁還復向我言其言朴且真鮮菱  
但消渴老菱足救貧比之荒年穀不謂失等倫聽此使  
人悲物理有屈伸彼狂憐少年何以服縉紳安得遠近

俗都如此鄉醇免使江干妾歌聲驚釣綸

低田

救稻低田中常被高田嗤得穗棄其草魴鯉忽來嬉日  
中對釜泣無薪安成炊厚顏向高田積柴幸見貽隣翁  
氣揚揚忍竟笑謝之水旱無定理報德亦有時高低不  
相念所見爾何癡

雜興

一人登兩舟所冀左右逢豈知成遊戲兩舟不汝容兩  
人運一輪前後心皆同豈無崎嶇苦日暮有成功寧拙  
勿爲巧私故不如公古來芻蕘言聽者稱英雄  
越王在會稽臥薪正憂煎不如吳中兒簫管擅威權齊



國二小城不知樂毅賢當時七十城誰不笑且憐愚夫  
閣卽事君子睹未然自古有如斯且睡酒罈邊

宋襄無智畧姑息以爲仁卒自傷其軀見笑于桓文樂  
毅如湯武此擬失等倫二邑圍三年徒與驕倚隣劉備  
敗當陽輜重竟何存不知兵貴速區區戀州民一夜三  
百里魏兵稱如神操刀貴能割舉綱無擇鱗丈夫非老  
嫗廼慮兒女嗔徒使千載下聞者增酸辛

過茅大方先生祠

羈人逢歲暮端坐心多危駕言寫我憂乃至茅公祠借  
問諸父老茅公昔爲誰父老揖客言此實百世師生當  
高皇朝死當文皇時王阮亭曰史筆禍發在一姓捐軀竟不辭

反惑千載上事讐無不爲闔門皆就義閭里增涕洟人  
生會有盡泰山豈不宜嘆息父老心皆知重倫燹富貴  
還鄉井多遭鄉井嗤不如守大節榮耀在親知我雖四  
方人敢不再拜之自古敬夷齊焉得論公私殷憂聊行  
國吞聲勿多詞恐取聞者惡于心有何悲揮淚謝茅公  
公當恕流離

祠卽昔日宅堂猶昔日堂子孫旣從死過客爲徬徨銅  
駝生荆棘宮闕如咸陽公侯舊第宅狐兔穴其傍豈不  
繁本支失勢成逃亾誰謂茅先生赤族遂可傷死尚祀  
其廬頗異魯靈光勢家不敢侵還來奠酒漿身後貴自  
立何必兒女行區區慮後人毋乃癡與狂

泰興令朱麓字守諧山陰



人因考公故宅于市橋迤南屋廬堂寢咸在乃仍其舊更加修飭遷主其間立祠焉張羽為之記

管仲一不死乃復有魏徵茅公獨不然豫讓以為朋知人遇聖祖峻德如升恒勉以董生業典教常兢兢既為秦長史此志無騫崩煌煌蒙天語寵賚踰股肱同時方孝孺歡愛日加增每坐希董堂翰墨輒飛騰意氣既相許大節果同稱死無愧名忽生無愧李膺董生復何人遭遇未足矜始知道德士必貴有依憑寧為其穴蟻毋

為聚臭蠅

大方先生諱譜洪武初選儒士典教淮南入朝名對稱旨擢秦府長史賜賚甚厚勉以董生輔相之業後擢副都御史臺素善前學士遜志肯為先生作希董堂記後卒與偕死國事

延令題妃子墓

宋室遭南遷嬪御涕千行六龍慘不樂白日闇無光越

鳥戀南枝邊馬向北鳴何況妃子情安能去故鄉君王念二帝妾亦念雒陽不覺明鏡裏紅顏忽銷亾舞衣日已緩蛾眉委道旁樵夫與牧豎至今為悲傷所悲非翠鈿但惜君不明宮嬪命胡促秦檜壽何長六陵皆蕪沒此土骨猶香蕭蕭愁人心何必逢白楊





江堂詩集  
卷之

三



